


# MOSES a'r 10 pla (rhan 2)


www.lambsongs.co.nz

Jill Kemp (cyf. Susuan Williams)


Lluniau: Richard Gunther



Roedd plant Israel wedi cael eu gwneud yn gaethweision i'r Pharo yn yr Aiff. Pan ddywedodd Duw wrth Moses ei bod hi'n amser i blant Israel fynd adref i'r wlad roedd o wedi ei haddo iddyn nhw, anfonodd ragor o blâu ofnadwy hyd nes y byddai Pharo'n cytuno i'w rhyddhau.



Ond roedd y Pharo'n parhau i fod yn ystyfnig a gwrthododd newid ei feddwl, felly anfonodd Duw salwch ar wartheg yr Eifftwyr ac mewn canlyniad roedd pobl yr Aiff yn dechrau llwgu. Ond roedd gwartheg plant Israel yn iach.




Gofynnodd Moses eto i'r Pharo i ryddhau pobl Israel ond gwrthododd yn bendant, felly anfonodd Duw gornwydydd a doluriau i boeni'r Pharo a'r Eifftwyr. Roedden nhw'n teimlo'n sâl ac yn ddolurus. Ond wnai Pharo ddim newid ei feddwl.



Roedd y Pharo'n parhau i ddweud na fyddai'n rhyddhau pobl Israel ac felly anfonodd Duw fellt a chenllysg anferthol oedd yn rhwygo'r dail o'r coed, yn cychwyn tanau ac yn difetha cnydau bwyd yr Eifftwyr.



Yna anfonodd Duw haid anferthol o locustiaid drwy wlad Israel. Wnaethon nhw fwyta popeth gwyrdd a phopeth maethlon ond ni wnaeth y locustiaid fwyta cnydau'r Israeliaid.



Er hyn ni wnaethai'r Pharo newid ei feddwl, felly anfonodd Duw dywyllwch dudew dros wlad yr Aiff, ond roedd gan blant Israel oleuni yn eu cartrefi a dim tywyllwch o gwbl.



Wedi hyn anfonodd Duw y degfed pla a hwn oedd yr un gwaethaf oherwydd bu farw plentyn hynaf yn rheulu pob Eifftiwr. O'r diwedd newidiodd y Pharo ei feddwl. Dywedodd wrth Moses ac Aaron a'r Israeliaid i adael.



Y diwrnod canlynol gadawodd holl blant Israel yr Aiff gan ddilyn Moses i'r wlad roedd Duw wedi ei haddo iddyn nhw. Wedi bod yn gaethweision am 430 o flynyddoedd roedden nhw'n rhydd o'r diwedd, yn union fel roedd Duw wedi addo y bydden nhw.